

ՊՂՆՁԷ ԴՐԱՄՆԵՐԻ ԳԱՆՁ՝ ԱՐՏԱՇԱՏԻ ՀՆԱԳԻՏԱԿԱՆ ՊԵՂՈՒՄՆԵՐԻՑ

Ռուբեն Վարդանեան

Արտաշատի 2005 թ. հնագիտական պեղումների ընթացքում Արաքսի ափին բացված համալիրում յայտնաբերուեց 56 պղնձե դրամների գանձ: Դրամները գտնուել են հարթակի յենապատին կից 1-ին սենեակի արեւմտեան անկիւնում՝ յենապատի պահպանուած մասից 65 սմ խորութեան վրայ: Պեղուող հատուածն ամէն տարի դարնանը հեղեղուած է գետի ջրերով եւ դրամները մշտապէս գտնուել են խոնաւ միջավայրում: Ըստ երեւոյթին, սկզբնապէս նրանք գետեղուած են եղել ինչ-որ փաթեթի, գուցէ՝ քսակի մէջ, քանի որ մի քանիսը յայտնաբերուել են կիպ կպած, սերտաճած վիճակում: Դրամները թէեւ դարեր շարունակ գտնուել են խոնաւութեան մէջ, բայց մեծ խորութիւնը (գետնի ներկայ մակարդակից մօտ 3 մետր) եւ օդազուրկ կաւային միջավայրում լինելու հանգամանքը նրանց պահպանել են խիստ քայքայուած, անորոշ, իսկ 53-ը Անտիոքի SC թողարկումների բարբարոսական ընդօրինակութիւններ են, որոնք պատրաստուել են ձուլման եղանակով, պղնձային համաձուլուածքից: Դրամները պատուած էին յաջորդաբար սեւ բրոնզափառով, բաց մոխրագոյն նստուածքով, որի վրայ տեղ-տեղ, կղզեակներէ ձեւով, կպած էին մաքուր պղնձի նուրբ թիթեղիկներ (նկ. 6.1): Այս ամէնը ծածկուած էր կանաչաւուն ծանգով եւ հողային նստուածքով¹:

1 Դրամներից 7-ը (№ 7, 11, 17, 30, 40, 42, 53) մաքրել է Վարդան Վարդանեանը (ԵՊՀ)՝ քիմիական եղանակով, 3-ը (№ 23, 24, 47)՝ Ռուբեն

Գանձի դրամների ցուցակը

- Անտոնինոս Պիոս, 138-161 թթ.:
 Բրոնզ, ասարիոն: Ա.քայա. Կորնթոս:
 Դիմ.: [A]NTONINVS [S A]V[G] PIVS:
 Կայսրի գլուխը՝ աջ, դափնեպսակով:
 Դարձ.: Պեգասը թռչելիս, աջ: Վերեւում՝ C[L]I, ներքեւում՝ COR:
 Katharine M., Edwards, *Corinth. Vol. VI. Coins (1896-1929), Cambridge, Massachusetts, 1993, Coins of Corinth as a Roman Colony, Antoninus Pius, 138-161, no. 134* (նկարը տրուած է): *Roman Provincial Coinage Online*-ում այս թողարկումը բացակայում է:
 1. 7.45 գ, 21.5 մմ, 9 ժ, ՀՊԹ 20078/1
 Անտոնինոս Պիոս, 138-161 թթ.:
 Բրոնզ, ասարիոն: Սիրիա. Սելեւկիս եւ Պիերիա. Լատիկէա:
 Դիմ.:
 [A]YTO.KAIC.TI.[A]IAI. ANTΩNEINOC]:
 Կայսրի գլուխը՝ աջ, դափնեպսակով:
 Դարձ.:
 IO[Ψ]ZIEΩN TΩN KAI Z[AO][Θ]IKEΩN]:
 Տիխէի կիսանդրին՝ ձախ, պարսպաթաղով:
 Sear D., *Greek Imperial Coins and their values, London, 1982, no. 1497, բայց դիմերեսին՝ կայսեր ձախ կիսադէմով*:
 2. 8.12 գր, 27.6 մմ, 11 ժ, ՀՊԹ 20078/2

Վարդանեանը՝ քիմիական եղանակով, բայց մաքրումը դադարեցնելով այն պահից, երբ ի յայտ եկան պղնձե թիթեղիկները: Մնացած դրամները մաքրել է Լեւոն Աթոյեանը (ՀՊԹ)՝ մասամբ քիմիական եւ ճիմականում՝ մեխանիկական եղանակով:

Հռոմի պրովինցիալ SC թողարկումների (Սիրիա. Սելեւկիս եւ Պիերիա. Օրոնտէսի Անտիոք) բարբարոսական ընդօրինակութիւններ:

Դիմ.: աջ կիսադէմ, պատկերազրական մանրամասներն անորոշ են, յաճախ՝ դափնեպսակով:

Դարձ.: SC, չուրջը՝ պսակի նմանակում:

3. 2.50 գր, 25.5 մմ (թերի), ՀՊԹ 20078/3
4. 3.10 գր, 24.7 մմ, 11 ժ, ՀՊԹ 20078/4
5. 3.62 գր, 26.7 մմ, 1 ժ, ՀՊԹ 20078/5
6. 3.89 գր, 26.5 մմ, 12 ժ, ՀՊԹ 20078/6
7. 4.62 գր, 25.5 մմ, 3 ժ, ՀՊԹ 20078/7
8. 4.63 գր, 24.2 մմ, 1 ժ, ՀՊԹ 20078/8
9. 4.67 գր, 26.2 մմ, 1 ժ, ՀՊԹ 20078/9
10. 5.11 գր, 24.8 մմ, 3 ժ, ՀՊԹ 20078/10
11. 5.15 գր, 25.6 մմ, 6 ժ, ՀՊԹ 20078/11
12. 5.27 գր, 26.2 մմ, 12 ժ, ՀՊԹ 20078/12
13. 5.38 գր, 25.2 մմ, 12 ժ, ՀՊԹ 20078/13
14. 5.60 գր, 26.3 մմ, 12 ժ, ՀՊԹ 20078/14
15. 5.79 գր, 25.8 մմ, 12 ժ, ՀՊԹ 20078/15
16. 5.82 գր, 25.0 մմ, 11 ժ, ՀՊԹ 20078/16
17. 5.82 գր, 27.6 մմ, 1 ժ, ՀՊԹ 20078/17
18. 6.14 գր, 26.1 մմ, 12 ժ, ՀՊԹ 20078/18
19. 6.21 գր, 24.9 մմ, 12 ժ, ՀՊԹ 20078/19
20. 6.36 գր, 26.0 մմ, 3 ժ, ՀՊԹ 20078/20
21. 6.53 գր, 26.8 մմ, 1 ժ, ՀՊԹ 20078/21
22. 6.57 գր, 26.1 մմ, 12 ժ, ՀՊԹ 20078/22
23. 6.90 գր, 25.3 մմ, 12 ժ, ՀՊԹ 20059/2
24. 7.13 գր, 26.4 մմ, 1 ժ, ՀՊԹ 20059/3

Դիմ.: նոյնը:

Դարձ.: նոյնը, բայց S տառը շրջուած՝

- ՅԸ:
25. 4.96 գր, 25.3 մմ, 1 ժ, ՀՊԹ 20078/23
 26. 5.88 գր, 26.3 մմ, 12 ժ, ՀՊԹ 20078/24
 27. 5.97 գր, 25.5 մմ, 9 ժ, ՀՊԹ 20078/25
 28. 6.58 գր, 25.5 մմ, 6 ժ, ՀՊԹ 20078/26
 29. 7.24 գր, 25.9 մմ, 6 ժ, ՀՊԹ 20078/27

30. 8.01 գր, 26.2 մմ, 12 ժ, ՀՊԹ 20078/28
 Դիմ.: աջ կիսադէմ (ինչպէս կից նկարում), դափնեպսակով:



№ 37

Դարձ.: SC, չուրջը՝ պսակի նմանակում:

31. 5.69 գր, 24.3 մմ, 12 ժ, ՀՊԹ 20078/29
32. 5.76 գր, 26.3 մմ, 12 ժ, ՀՊԹ 20078/30
33. 6.04 գր, 23.0 մմ, 1 ժ, ՀՊԹ 20078/31
34. 6.05 գր, 25.8 մմ, 12 ժ, ՀՊԹ 20078/32
35. 6.27 գր, 26.1 մմ, 1 ժ, ՀՊԹ 20078/33
36. 6.60 գր, 26.6 մմ, 12 ժ, ՀՊԹ 20078/34
37. 7.69 գր, 26.0 մմ, 12 ժ, ՀՊԹ 20078/35
38. 9.37 գր, 26.5 մմ, 12 ժ, ՀՊԹ 20078/36

Դիմ.: նոյնը:

Դարձ.: SC, չուրջը՝ պսակի նմանակում:

39. 5.70 գր, 25.4 մմ, 12 ժ, ՀՊԹ 20078/37

Դիմ.: աջ կիսադէմ (ինչպէս կից նկարում), դափնեպսակով:



№ 42

Դարձ.: SC, չուրջը՝ պսակի նմանակում:

40. 7.35 գր, 26.2 մմ, 12 ժ, ՀՊԹ 20078/38
41. 8.44 գր, 26.8 մմ, 12 ժ, ՀՊԹ 20078/39
42. 9.09 գր, 26.7 մմ, 12 ժ, ՀՊԹ 20078/40

Դիմ.: աջ կիսադէմ (ինչպէս կից նկարում), դափնեպսակով:



№ 49

Դարձ.՝ S տառը շրջուած՝ SC, շուրջը՝ պսակի նմանակում:

- 43. 4.19 գր, 24.5 մմ, 11 ժ, ՀՊԹ 20078/41
- 44. 6.43 գր, 26.3 մմ, 6 ժ, ՀՊԹ 20078/42
- 45. 5.80 գր, 25.4 մմ, 11 ժ, ՀՊԹ 20078/43
- 46. 6.00 գր, 25.0 մմ, 12 ժ, ՀՊԹ 20078/44
- 47. 6.03 գր, 25.8 մմ, 12 ժ, ՀՊԹ 20059/1
- 48. 6.08 գր, 26.1 մմ, 6 ժ, ՀՊԹ 20078/45
- 49. 6.81 գր, 26.7 մմ, 12 ժ, ՀՊԹ 20078/46

Դիմ.՝ ձախ կիսադէմ, դափնեպսակով:

Դարձ.՝ SC, շուրջը՝ պսակի նմանակում:

- 50. 6.71 գր, 25.2 մմ, 12 ժ, ՀՊԹ 20078/47

Դիմ.՝ ձախ կիսադէմ, գազաթին «մազափնջով»:

Դարձ.՝ S տառը շրջուած՝ SC, շուրջը՝ պսակի նմանակում:

- 51. 6.78 գր, 25.8 մմ, 6 ժ, ՀՊԹ 20078/48

Դիմ.՝ աջ կիսադէմ, ճառագայթաւոր պսակով:



№ 53

Դարձ.՝ SC, շուրջը՝ պսակի նմանակում:

- 52. 7.22 գր, 27.5 մմ, 3 ժ, ՀՊԹ 20078/49
- 53. 7.89 գր, 28.6 մմ, 3 ժ, ՀՊԹ 20078/50
- 54. 8.22 գր, 27.5 մմ, 3 ժ, ՀՊԹ 20078/51

52-54-ը ձուլուած են նոյն կաղապարի մէջ:

Դիմ.՝ արծիւ՝ թեւատարած, գլուխը աջ:

Դարձ.՝ SC, շուրջը՝ պսակի նմանակում:

- 55. 6.88 գր, 25.5 մմ, 12 ժ, ՀՊԹ 20078/52

Դիմ. եւ դարձ.՝ խիստ մաշուած, անորոշ:

- 56. 4.03 գր, 23.0 մմ, ՀՊԹ 20078/53

Դարձերեսին՝ դափնեպսակի մէջ, մեծ SC տառերով պատկերատիպ ունեցող դրամների թողարկումն Անտիոքում սկսուել է Օգոստոս կայսեր օրօք, շուրջ Ք.ա. 5 թ.² եւ շարունակուել է աւելի քան երկու հարիւրամեակ: Այդ դրամները, դիմերեսին ունենալով Հռոմի կայսեր դիմապատկերը, հատուած էին Հռոմի սենատի որոշմամբ՝ S(enatus) C(onsultum), եւ հանդիսանում էին կայսրութեան՝ արեւմուտքում թողարկուող սենատորական բրոնզէ դրամների արեւելեան համարժէքը³: Դրանք շրջանառուել են ոչ միայն Սիրիայում, այլև նրա սահմաններից դուրս, այդ թւում՝ Հայաստանում: SC բրոնզների վրայ, բացառապէս լեզիոներական մակագրոշմների առկայութիւնից ելնելով, դրանք համարուում են, հիմնականում, բանակի կարիքների համար կատարուած թողարկումներ, թէեւ որոշակի ռազմական արշաւների հետ սերտօրէն չեն կապուում:⁴ Օգոստոսից սկսած մինչեւ Մարկոս Աւրելիոսը (161-180 թթ.), SC բրոնզները հատուել են բոլոր կայսրերի ժամանակ: Դրանից յետոյ եւս, որոշ ընդմիջումներով, Անտիոքում շարունակուել է SC դրամների թողարկումը մինչեւ Սեւերոս Ալեքսանդրը (222-235 թթ.):

Նախքան ընդօրինակութիւնների քննարկումն սկսելը, արժէ անդրադառնալ Արտաշատում յայտնաբերուած հռոմէական դրամներին: Մենք կը սահմանափակուենք ՀՊԹ ժողովածոյով եւ միայն այն նիւթով, որի վերաբերեալ կան ստոյգ կամ

2 Roman Provincial Coinage I, London-Paris, 1992, pp. 13, 620.
 3 H. Mattingly, Roman Coins, London, 1960, p. 191.
 4 Roman Provincial Coinage I, p. 14.

վստահութիւն ներշնչող տուեալներ յայտնաբերման վայրի մասին:

ՀՊԹ-ում պահուում է Արտաշատում գտնուած 28 հռոմէական արծաթէ դրամ.

	Հնագիտ. պեղումներից	Պատահական
Լ. Պոնցիլիոս, 80 Ք.ա.		1
Մ. Անտոնիոս		2
Մ. Անտոնիոս-Օգոստոս		1
Օգոստոս	2	13
Ներոն	1	
Վեսպասիանոս	1	2
Տիտոս		1
Տրայանոս	2	1
Պեսկենիոս Նիգեր		1

ՀՊԹ-ի ժողովածոյի մէջ Արտաշատում յայտնաբերուած հռոմէական պղնձէ դրամները 30-ն են:

	Հնագիտ. պեղումներից	Պատահական
Օգոստոս	6	1
Կլաւդիոս	1	
Ներոն	2	1
Օթոն	1	
Վեսպասիանոս		1
Դոմիտիանոս	1	1
Տրայանոս	5	5
Անտոնինոս Պիոս	2 (սոյն գանձից)	1*
Սեպտիմիոս Սեւերոս	1 (թող. 206 թ.)	
Լլազարալ		1

Եղած նիւթը դեռեւս բաւարար չէ Արտաշատում հռոմէական դրամների ներկա-

յութեան մասին հաստատուն եզրայանգումներ անելու համար. այդ նիւթը, յուսանք՝ միայն հնագիտական պեղումների շնորհիւ, դեռեւս աճելու եւ փոփոխուելու միտում ունի: Այդուհանդերձ, նրանում որոշ օրինաչափութիւններ նկատուում են: Կարող ենք փաստել, որ արծաթէ 28 դրամներից 23-ը (82%) եւ պղնձէ 30 դրամներից 25-ը (83%) վերաբերում են Օգոստոսից Տրայանոսն ընկած ժամանակահատուածին: Տրայանոսից յետոյ հռոմէական դրամների քանակը կտրուկ նուազում է: Կարելի է շատ հաւանական համարել, որ հռոմէական դրամները, մասնաւորապէս պղնձէ դրամները, Հայաստան էին մտնում ոչ այնքան խաղաղ ժամանակ, առեւտրի միջոցով, որքան հռոմէական բանակի հետ եւ, առաւելապէս, նրա կարիքների համար: 114-117 թթ. հռոմէական պրովինցիայի վերածուած Հայաստանը Հազրիանոսը կրկին դարձրեց թագաւորութիւն եւ յետ քաշեց դուրքը: Շուրջ 40 տարի տեւած, հիմնականում խաղաղ, ժամանակահատուածի համար Արտաշատում ունենք չափազանց քիչ հռոմէական դրամներ, ինչը կարող է բացատրուել Հայաստանում հռոմէական զօրքի բացակայութեամբ: 163 թ. Արտաշատը վերագրաւուեց Հռոմի կողմից, եւ կարելի էր սպասել, որ Մարկոս Աւրելիոսի ու Լուկիոս Վերոսի, ինչպէս նաեւ նրանց մօտակայ յաջորդների դրամները պէտք է լաւ ներկայացուած լինէին արտաշատեան գտածոներում, սակայն առայժմ այդպէս չէ: Աւելին, վերոյիշեալ երկու կայսրերի դրամներն առհասարակ բացակայում են: Պատճառը կարող է լինել այն, որ Արտաշատում յայտնաբերուած դրամագիտական նիւթը դեռեւս լիովին չի արտացոլում դրամաշրջանառութեան պատկերն այդ քաղաքում, իսկ գուցէ մասամբ այն, որ 163-166 թթ. պատերազմից յետոյ հռոմէական կայսրը տեղակայուել էր ոչ թէ Արտաշատում, այլ Վաղարշապատ-Կայնեպոլսում:

Արտաշատում գտնուած պղնձէ դրամների կէսը (15 դրամ) վերաբերում են Օգոստոսից մինչեւ Դոմիտիանոսն ընկած ժամանակահատուածին, եւ ուշագրաւ է, որ բոլորն էլ Անտիոքի թողարկումներ են: Միւս կէսի գերակշիռ մասը Տրայանոսի դրամներն են: Նկատենք, որ այս կայսեր 10 դրամներից միայն մէկն է հատուած Անտիոքում, մինչդեռ 7-ը գալատական⁵ եւ պոնտական դրամներ⁶ են: Դրամների այսպիսի ծագումը, կարծում ենք, պատահական չէ եւ արտացոլում է Տրայանոսի ռազմերթի ուղղութիւնը: Գրաւոր աղբիւրներից յայտնի է, որ 114 թ. Հայաստանի դէմ ռազմարշաւը սկսելով Անտիոքից՝ Հռոմի կայսրն ընտրեց հիւսիսային ուղին (Մելիտինէ-Սատաղ-Արտաշատ)⁷ անցնելով այն երկրներով կամ նրանց անմիջական հարեւանութեամբ, որտեղ թողարկուել եւ հիմնականում շրջանառու էին վերոյիշեալ դրամները:

Հետագայում, նոր գտածոների շնորհիւ, գուցէ ունենանք Արտաշատում շրջանառուած դրամների կազմի վերաբերեալ աւելի ամբողջական պատկերացում, բայց այսօր պէտք է արձանագրենք, որ Բ դրամում անտիոքեան թողարկումներն այստեղ նոյնպիսի «մենաշնորհային» դիրքում չեն եղել, որքան Ա դրամը: Ընդհանուր առմամբ, Արտաշատում յայտնաբերուած 59 դրամներից⁸ 50-ը (84%) թուագրուած են

Ք.ա. Ա դ. վերջին տասնամեակից մինչեւ Բ դ. երկրորդ տասնամեակը: Պէտք է նկատել, որ հռոմէական դրամների աւելի քան 90%-ը ծագում են Արտաշատի բլուրներից, դերազանցապէս VIII բլուրից, եւ թուագրուած են մինչեւ Տրայանոսը ներառեալ, մինչդեռ դաշտային մասում (բաղնիքում եւ շրջակայքում) յայտնաբերուած 4 դրամներից 3-ը վերաբերում են աւելի ուշ ժամանակի՝ Բ դ. երկրորդ կէսին - Գ-ի սկզբին (Անտոնինոս Պիոսի 2 պղնձէ դրամ՝ սոյն դանձից եւ Սեպտիմիոս Սեւերոսի մէկ պղնձէ դրամ՝ բաղնիքից): Սա կարող է նշանակել, որ Արտաշատի, մասնաւորապէս ցածրադիր մասերում, հետագայ պեղումների շնորհիւ դրամագիւտերի տեղագրական եւ ժամանակագրական բաշխման պատկերը հնարաւոր է հարստանայ Բ-Գ դարերի վերաբերեալ նոր տուեալներով, որոնք, առայժմ, չափազանց սակաւ են:

Ինչ վերաբերում է Անտիոքի SC թողարկումներին, որոնք այս դանձի քննութեան առնչութեամբ մեզ հետաքրքրում են առաւել, ապա կարող ենք փաստել հետեւեալը. Օգոստոսից մինչեւ Անտոնինոս Պիոսը, 17 անտիոքեան դրամներից առնուազն 11-ը (64%) SC թողարկումներն են⁹: Այսինքն, այստեղ շրջանառուած հռո-

սող գետի ափից 1981 թ. գտնուած Ներոնի ոսկէ դրամը, ՀՊԹ 19107:

9 Արտաշատում յայտնաբերուած անտիոքեան SC թողարկումները.


	Պեղումներից	Պատահական
Օգոստոս	2 ՀՊԹ 19968/2, 20051	
Վասիլիոս	1 ՀՊԹ 19793/2	
Ներոն	2 ՀՊԹ 19878/25, 19878/26	1 ՀՊԹ 19992/112
Վեսպասիանոս		1 ՀՊԹ 19992/108
Դոմիտիանոս	1 ՀՊԹ 19878/14	1 ՀՊԹ 19992/107
Տրայանոս	1 ՀՊԹ 19878/17	
Անտոնինոս Պիոս		1 ՀՊԹ 19992/111

5 Դրամները թողարկուել են Գալատիայի եւ Կապադովկիայի լեգատ Պոմպոնիոս Բաստուսի օրոք. ՀՊԹ 19878/45, 19878/50 (պեղումներից), 19992/124 (պատահական):
 6 Դրամները թողարկուել են Պոնտոսի Նիկոպոլիս քաղաքում 105/6 թ.. ՀՊԹ 19878/2 (պեղումներից), 19992/117 եւ 118, 19993/31 (պատահական):
 7 Յ. Մանանդեան, Երկեր, հտ. Բ, Երեւան, 1978, էջ 27-28, Հայ ժողովրդի պատմութիւն, հտ. 1, Երեւան, 1971, էջ 771-772:
 8 28 արծաթէ եւ 31 պղնձէ դրամները, գումարած Արտաշատ մայրաքաղաքի հարեւանութեամբ այժմ գտնուող Նոր Կեանք գիւղի դաշտով հո-

մէական պղնձէ դրամների շարքում սրանք ամենատարածուածը եւ ամենաճանաչուածն էին¹⁰, որն, անկասկած, իր դերը խաղացել է ընդօրինակելու համար հէնց այդ թողարկումներն ընտրելու հարցում:

Չափագիտութիւնը: Ընդօրինակութիւնների կշիռը տատանուած է 3-9.5 գր սահմաններում, սակայն 52 հաշուառուած օրինակներից 34-ի (65%) կշիռը 5.5-7 գրամ է, միջին կշիռը՝ 6.19 գր: Ընդօրինակութիւններն ունեն 23-28.5 մմ տրամագիծ, բայց 53 հաշուառուած դրամներից 42-ի (79%) տրամագիծը 25-26.5 մմ է, միջին առաւելագոյն տրամագիծը՝ 25.8 մմ: Այս հաշուարկների մէջ ներառելով նաեւ սիրիական ժողովածոյի 6 օրինակների տուեալները (այս դրամների մասին տե՛ս ստորեւ), կշռի եւ տրամագիծի միջին ցուցանիշներն են, համապատասխանաբար՝ 6.17 գր (58 դրամի հաշուարկով. կոտրուած եւ թերի կշռով օրինակը՝ № 3, հաշուի չի առնուած) եւ 25.8 մմ (59 դրամի հաշուարկով):


Կշիռը 3 3.5 4 4.5 5 5.5 6 6.5 7 7.5 8 8.5 9 9.5



Եւս երկու դրամ (ՀՊԹ 19878/8 եւ 19878/9, պեղումներից), մաշուածութեան եւ մակադրոշմների պատճառով, անորոշ են: Մէկ այլ դրամ (ՀՊԹ 19992/140, պատահական) SC բարբարոսական ընդօրինակութիւն է, բայց տարբերում է ոճով:

10 ՀՊԹ ժողովածոյի մէջ կայ անտիոքեան երեք SC դրամ՝ յայտնաբերուած Աերկայիս Հայաստանի այլ վայրերից. Ներոն, ՀՊԹ 19327/1, Օթոն, Ձորասի գիւղ (Աշտարակի մօտ), ՀՊԹ 18073, Տրայանոս, Ն. Գետաշէն գիւղ (Մարտունու մօտ), ՀՊԹ 14720:

Տրամ. 23 23.5 24 24.5 25 25.5 26 26.5 27 27.5 28 28.5



Անտիոքում թողարկուած էին երկու արժեչափի SC դրամներ՝ 2 ասարիոն (կամ դուպոնդիոս), շուրջ 25-28 մմ տրամագիծով, 14-15 գր կշռով եւ 1 ասարիոն՝ շուրջ 20-23 մմ տրամագիծով, 6-7 գր կշռով: Այս ընդօրինակութիւններն իրենց միջին կշռային տուեալով համապատասխանում են Անտիոքում եւ արեւելեան միւս պրովինցիաներում թողարկուած պղնձէ (բրոնզէ, արոյրէ) դրամներին, որոնք շրջանառուել են հռոմէական 1 ասարիոնին հաւասար անուանական արժէքով: Սակայն ընդօրինակութիւնների հատաձոյլերն աւելի տափակ են ու մեծ եւ չափով մօտ են 2 ասարիոնին: Եթէ այս դրամները պատրաստուել են փոխարինելու համար նմանատիպ իսկական թողարկումները, ապա, կշռից ելնելով, կարելի է ենթադրել, որ դրանք աւելի շուտ համապատասխանել են 1 ասարիոնին: Նկատենք նաեւ, որ սրանց հետ գտնուած Անտոնինոս Պիոսի երկու դրամներն իրենց չափագիտական տուեալներով նոյնպէս համապատասխանում են 1 ասարիոնին:

Դիմերեսի եւ դարձերեսի առանցքային յարաբերութիւնը թէեւ անկանոն է, բայց գերակշռողը 11-1 ժամ դիրքն է՝ 52-ից 39-ը (75%):

SC ընդօրինակութիւնների պատկերագրութիւնը: Թէեւ Անտիոքի SC դրամների դիմերեսին Հռոմի կայսեր դուրիսն էր կամ կիսանդրին, եւ դիմապատկերներն ու գրութիւնները, բնականաբար, տարբեր էին, բայց դրամներից օգտուողների մեծա-

մասնութիւնը, դժուար թէ, ի վիճակի էր տարբերել մի կայսրին միւսից, առաւել եւս՝ գլուխ հանել յապաւուսներով տրուող գրութիւնների բովանդակութիւնից. կարելի էր այն էր, որ դրամի վրայ Հռոմի կայսրն է պատկերուած: Մինչդեռ պսակով շրջապատուած SC տառերը Հռոմի իշխանութեան անփոփոխ եւ հեշտ ճանաչելի խորհրդանիշն էին, նոյնիսկ անկախ այն բանից, թէ որ կայսրի օրօք էր թողարկուած դրամը:

Հէնց այդ պատճառով նմանակողներն ընտրել են բնօրինակի այնպիսի տարբերակ, որը լաւ ծանօթ լինի հանրութեանը եւ, ձեռքի տակ չունենալով հմուտ վարպետներ՝ հեշտ իրագործելի: Մենք կարող ենք միայն ենթադրութիւններ անել այն մասին, թէ ում, ինչ իշխանութեան կողմից են պատրաստուել այս դրամները, բայց ակնյայտ է, որ, որպէս իր թողարկման օրինականութեան գրաւական, ընդօրինակողը ցանկացել է ներկայացնել ու շեշտել հէնց այդ խորհրդանիշը, բաւական անփոյթ վերաբերուելով Հռոմի իշխանութեան միւս, այդ ժամանակներում իրական, խորհրդանիշին՝ կայսր պատկերին:

Դարձերեսի տիպը՝ կենտրոնում SC տառերը եւ դրանք շրջապատող պսակը յիշեցնող գծիկներ, աւելի մօտ է անտիոքեան նախատիպին՝ թերեւս իր պատկերագրական պարզութեան պատճառով: Ծիշտ է, որոշ օրինակների վրայ S-ը գրուած է շրջուած՝ Յ, բայց բոլոր դրամների վրայ երկու տառերն էլ պարզ ու յստակ երեւում են: Ի տարբերութիւն դիմերեսի պատկերի ու, յաճախ, դարձերեսի պսակի մակերեսային պատկերմանը, SC տառերը միշտ ունեն բարձր ռելիեֆային պատկերում: Կարծում ենք՝ դա պատահական չէ: Սոյն դրամների ամբողջ, այսպէս ասած, պատկերագրութեան մէջ այդ տառերն ամենակարեւորն էին, քանի որ հէնց դրանք էին,

որ պէտք է ստեղծէին թողարկման օրինականութեան պատրանք:

53 ընդօրինակութիւններից 52-ը դիմերեսին ունեն կիսադէմ պատկեր, մէկը՝ արծիւ (№ 55): 51 դրամի վրայ պատկերուած է աջ կիսադէմ, միայն երկուսի վրայ (№ 50, 51)՝ ձախ: Դրանք հռոմէական կայսրերի դիմապատկերների անվարժ ձեռքով արուած վերարտադրութիւններ են: Ընդօրինակութիւնները ներկայացնում են Հռոմի կայսրեր երկու պատկերագրական տիպերը՝ դափնեպսակով եւ ճառագայթաւոր պսակով:

Դափնեպսակով տիպը գերակշռում է: Այն ներկայացնող դիմապատկերները բազմազան են, նոյն կաղապարով թողարկուած օրինակները քիչ են: Հռոմէական իսկական դրամների վրայ դափնեպսակի գազաթային մասի երկու տերեւները յաճախ ներկայացնում էին բաւական ընդգծուած եւ ցցուն տեսքով: Քանզակագործական հմտութիւններից զուրկ մարդկանց համար, ինչպիսիք էին այս ընդօրինակութիւնների կաղապարները պատրաստողները, գլխի գազաթին կամ ճակատից քիչ վեր երեւացող երկու, հազուադէպ՝ երեք, վեր ցցուած գծիկների պատկերումը «դիմապատկերին» հռոմէական տեսք հաղորդելու հեշտ եւ արդիւնաւէտ եղանակ էր: Ընդօրինակութիւնների վրայ, որպէս կանոն, ցայտուն են պատկերուած նաեւ դափնեպսակի ժապաւէնները՝ երկու զուգահեռ ուղիղ կամ կոր գծերի տեսքով: Դէմքի ֆիզիկական նմանութեան հիման վրայ որեւէ կայսրի հետ նոյնացումը վստահօրէն հնարաւոր չէ, քանի որ դրանք չափազանց պարզունակ են, կոպիտ, երբեմն՝ «ծաղրանկարային»: Պատկերման ծայրայեղ պարզունակութեան պատճառով դժուար է աներկբայօրէն մատնանշել, թէ որ կայսրերի դրամներից են կատարուել նմանակումները: Ընդօրինակողներին, այդուհանդերձ, որոշ դէպքերում յաջողուել

է վերարտադրել մոդելից ստացուած տպաւորութիւնը: № 39 եւ № 31-38 շարքի դրամների դիմապատկերները կարելի է նմանեցնել Տիտոսի, Դոմիտիանոսի կամ Ներուայի դիմապատկերներին: Այս դրամներում դափնեպսակի ժապաւէնների պատկերման եղանակն աւելի, քան միւսներում, նման է Ա դարի երկրորդ կէսի անտիոքեան SC թողարկումների լայն, ուղղաձիգ կախուած ժապաւէններին (№ 31-38): Հետագայ կայսրերի դիմապատկերներում դափնեպսակի ժապաւէնները տրուած են աւելի բարակ, յաճախ ալիքաւոր գծերով: Վերոյիշեալ խումբը եւ մէկ այլ խումբ (№ 40-49 եւ, գուցէ՝ № 39) գլխի պատկերման եղանակով մօտ են միմեանց, բայց երկրորդում պսակի ժապաւէնները տրուած են երկու զուգահեռ թեք գծերով: Ալիքաւոր թեք գծերով պատկերուած ջապաւէնների հանդիպում ենք Բ դարի կայսրերի դիմապատկերներում (երբեմն՝ Տրայանոսի, աւելի յաճախ՝ Հադրիանոսի դրամների վրայ): Կարծես թէ Տրայանոսի դիմապատկերն են յիշեցնում № 40-49 շարքի պատկերները: Երկու խմբում էլ բաւական շեշտուած է ներկայացուած կայսրի ականջը:

Որոշ դիմապատկերներ, թւում է, քիչ թէ շատ իրատեսական ոճով են արուած, սակայն չափազանց ցածր ռելիեֆը, ուրուագծերի աղօտութիւնը թոյլ չեն տալիս դատել դրանց նախատիպերի մասին (№ 8, 12, 26): Այնուամենայնիւ, № 13-ը կարծես յիշեցնում է Անտոնինոս Պիոսի դիմապատկերը:

Գանձում կայ ընդամէնը երկու դրամ, որոնց դիմերեսին տեսնում ենք ձախ կիսադէմով պատկեր: № 50-ի պատկերը դափնեպսակով տիպից է. ճակատից վեր երեւում են պսակի երկու տերեւները՝ վեր ցցուած գծիկների տեսքով, գլխի հետեւում շեղօրէն կախուած երկու ժապաւէնները: SC շարքի անտիոքեան թողարկում-

ներում կայսրեր գլուխը աւելի յաճախ պատկերուած է լինում դէպի աջ, սակայն կան թողարկումներ նաեւ ձախ կիսադէմով: Ուստի սա ընդօրինակուած է կամ ձախ պրոֆիլով անտիոքեան դրամից, կամ կաղապար պատրաստողը սխալուել է՝ դէմքը պատկերելով այն ուղղութեամբ, ինչպէս տեսել է դրամի վրայ, այսինքն՝ այնպէս, ինչպէս երբեմն սխալուել են S տառը փորագրելիս¹¹:

Աւելի ուշագրաւ է № 51 դրամը: Կարելի էր կարծել, թէ այն ընդօրինակուել է ձախ պրոֆիլով մի նմուշից, սակայն պատկերագրութիւնը յուշում է, աւելի շուտ, պարթեւական ազդեցութեան մասին: Գլխի գազաթին նկատելի է կլորաւուն, դէպի վեր լայնացող ուրուագծով «բարձիկ», որը յիշեցնում է պարթեւական արքայ Խոսրով Ա-ի (109-129 թթ.) սանրուածքը՝ գազաթին ապարօջով կապուած մազափունջ¹²: Հետագայում սանրուածքի այդ ձեւը կրկին յայտնուեց Վաղարշ Ե-ի դրամների վրայ (191-208 թթ.)¹³: Բ դ. ընթացքում եւ Գ-ի սկզբում այդ սանրուածքն ընդօրինակեցին նաեւ պարթեւական ոլորտի մի քանի արքայիկներ Պարսքում, Էլիմայիսում, Մարգիանէում¹⁴: Պարթեւական դրամական պատկերագրութեանը բնորոշ արքայի գլխի՝ դէպի ձախ ուղղութեամբ եւ իւրայատուկ սանրուածքի համատեղումն այս նմուշի վրայ վկայում է, որ տուեալ դէպքում դիմերեսի համար ընդօրինակ-

11 Դրամի վրայ SC տառերը ստանալու համար, կաղապարի մէջ պէտք է փորագրուէր Շ, սակայն փորագրուել է ՏS: Հակուած եմ կարծելու, որ դա միտումնաւոր չի արուել, այլ անգիտութեամ կամ անփութութեամ հետեւում է:
 12 D. G. Sellwood, *An Introduction to the Coinage of Parthia*, London, 1980, type 80.
 13 D. G. Sellwood, *An Introduction ...*, types 86, 87.
 14 R. Vardanyan, *Tendenze culturali e ideologiche nell'impero partico riflesse dalla monetazione*, Parthica 3 (2001, Pisa-Roma), fig. 25.6, 27.3, 27.7-9, 28.1.

ման նմուշ է հանդիսացել ոչ հռոմէական դրամ, եւ որ ընդօրինակողները խստօրէն կաշկանդուած չեն եղել պատկերատիպերի ընտրութեան հարցում, եթէ իրենց թոյլ են տուել յօրինելու պարթեւահռոմէական այսպիսի հիբրիդային տիպ:

Պատկերագրական եւս մի շեղում ներկայացնում է № 55-ը: Թէեւ դարձերեսին SC տառերն են, իսկ դիմերեսը բաւական աղօտ պատկերում ունի, սակայն ոչ մի կերպ հնարաւոր չէ այն նմանեցնել դէմքի: Ամենայն հաւանականութեամբ, այստեղ պատկերուած է թեւատարած արծիւ՝ դիմացից, դէմքով դէպի աջ: Գլուխը, ուղղաձիգ մարմինը, երկու ոտքերը բաւական յստակ են, իսկ բացուած թեւերը նշմարուած են միայն որոշակի լուսաւորութեան ներքոյ: Այս նմուշը նոյնպէս ազատ ընդօրինակման օրինակ է: Դիմերեսին, կայսեր գլխի փոխարէն, պատկերուել է արծիւ, որը Մարկոս Աւրելիոսից սկսած (161-180 թթ.) յայտնուած է Անտիոքի պղինձների դարձերեսի վրայ՝ գոյատեւելով մինչեւ Ուրանիոս Անտոնինոսը (253-254 թթ.), սակայն անտիոքեան արծաթէ դիդրախմաների (56/7 թ.) եւ տետրադրախմաների (59/60-65/6 թթ.) դարձերեսին արծիւ սկսել էին պատկերել արդէն Ներոնի օրօք¹⁵:

Դրամները զուրկ են գրութիւններից: Ընդօրինակողներն անգամ չեն փորձել նմանակել լատիներէն կամ յունարէն գրութիւնները, որոնք կան իսկական դրամների դիմերեսի վրայ՝ կայսեր պատկերի շուրջը: Սակայն դրամներից երեքի դիմերեսին կան նշաններ, մի դէպքում դէմքի դիմաց (№ 4), միւս երկուսում՝ գլխի յետեւում (№ 9, 17), որոնք արամէական գրեր են յիշեցնում: № 9-ի վրայ յստակ ընթերցւում է մեմ տառը: Այս դրամի դիմերեսն, առհասարակ, ինքնատիպ է.

խոշոր գծիկներով արուած մեծ չափի դիմապատկեր՝ միւսներից տարբերուող ոճով:

Ընդօրինակութիւնների մէջ ճառագայթաւոր պսակով տիպը ներկայացուած է նոյն կաղապարի մէջ ձուլուած 3 դրամով: Անտիոքի SC բրոնզների վրայ ճառագայթաւոր պսակ կրող կայսեր պատկերը հանդիպում է Ա. Պիոսի, Մ. Աւրելիոսի, Լ. Վերոսի եւ մի քանի տասնամեակ ընդմիջումից յետոյ՝ էլադաբալի դրամների վրայ: Մեր օրինակների պատկերներն այս կայսրերից որեւէ մէկի հետ նոյնացնելու հիմնաւորում գտնելը, սակայն, իրականում անհնար է: Եթէ չլինէր ճառագայթաւոր պսակը, № 52-54 դրամների «ծաղրանկարային» դիմապատկերի համար որպէս նախատիպ կարելի էր ենթադրել Հանդրիանոսի պատկերը, որի բաւական երկար քիթը եւ սրածայր դունչը կարող էին անվարժ ընդօրինակողի ձեռքով այսպիսի գրոտեսկի վերածուել: Սակայն Հանդրիանոսի անտիոքեան SC դրամներ, որտեղ կայսրը պատկերուած լինէր ճառագայթաւոր պսակով, առայժմ յայտնի չեն:

Գանձի թուագրումը: Գանձի կազմում կայ երկու իսկական դրամ (№ 1 եւ 2)¹⁶ թողարկուած Անտոնինոս Պիոսի օրօք (138-161 թթ.) Կորնթոսում եւ Սիրիայում: Դրամների թողարկման տարիթուերը յայտնի չեն, ուստի պէտք է ընդունել, որ գանձը կարող էր «թաղուել» Անտոնինոս Պիոսի իշխանութեան գալու տարուց՝ 138 թ., ոչ աւելի վաղ: Երկու դրամն էլ թեթեւ մաշուած են, որից կարելի է եզրակացնել, որ դրանք շրջանառութեան մէջ են եղել ոչ շատ երկար ժամանակ, յատկապէս՝ Կորնթոսում թողարկուածը¹⁷: Նոյնը կարելի է

16 № 56-ը, ըստ երեսյոթիմ, Աոյնպէս իսկական դրամ է, բայց չափազանց քայքայուած է եւ որոշման ենթակայ չէ:

17 № 2-ի մետաղը քայքայուած է, եզրից կոտրուած, այդ պատճառով պատկերներն ու գրութիւնները յստակ չեն:

15 Roman Provincial Coinage I, p. 615, no. 4176, no. 4180 etc.

ասել ընդօրինակութիւնների մասին: Սրանց ամենացցուն մասերը դարձերեսի SC տառերն են, որոնք պէտք է որ առաջին հերթին մաշուէին երկարատեւ եւ ինտենսիւ շրջանառուելու դէպքում, մինչդեռ այդ տառերի վրայ մաշուածութեան հետքեր գրեթէ չեն նկատուում: Իսկ դիմերեսի այն պատկերները, որոնք աղօտ ու անորոշ են, բացատրուում են երկու հանգամանքով՝ կաղապարի մէջ պատկերի ոչ խորը փորագրումով եւ ձուլման եղանակով դրամ պատրաստելու առանձնայատկութեամբ, երբ, ի տարբերութիւն հատուած դրամի, ձուլուած դրամների պատկերների նուրբ տարրերը միշտ էլ ստացւում են աղօտ եւ ոչ յստակ: Հետեւաբար, դրամների մաշուածութեան տեսանկիւնից դատելով, ընդօրինակութիւնները եւ Անտոնինոս Պիոսի դրամներն իրենց թողարկման ժամանակով՝ հեռու չեն միմեանցից:

Ե՛րբ ու ի՞նչ պայմաններում դրամների այս խումբը կարող էր վերածուել գանձի: Անտոնինոս Պիոսին յաջորդեց Մարկոս Աւրելիոսը (161-180 թթ.), որը Լուկիոս Վերոսին (161-169 թթ.) դարձրեց իր գահակիցը: Վերեւում տեսանք, որ Տրայանոսից յետոյ ընկած ժամանակաշրջանում հռոմէական դրամների գտածոներն Արտաշատում շատ աւելի սակաւ են, քան նախորդ շրջանինը: Հնարաւոր է, որ դրա պատճառներից մէկը քաղաքի հնագիտական դեռեւս անհամաչափ ուսումնասիրութիւնն է: Արաքսից ոչ հեռու, 3-4 մ խորութեան վրայ հռոմէական բաղնիքի յայտնաբերումը յոյս է ներշնչում, որ Արտաշատի ցածրագիր շատ հատուածներ ծածկուած են ջրաբերուկների հաստ շերտով, եւ հետագայ պեղումները կարող են մեծապէս ընդլայնել մայրաքաղաքի մասին այսօրուայ մեր պատկերացումները, այդ թւում՝ շրջանառութեան մէջ եղած դրամների կազմի առումով: Առայժմ ստիպուած ենք հիմնուել առկայ նիւթի վրայ, որը ցոյց է տալիս Արտաշատում դրամա-

կան զանգուածի կտրուկ նուազում Տրայանոսից յետոյ: Այս կայսեր դրամների առատութիւնն, անտարակոյս, բացատրուում է 114 թ. նրա կողմից Հայաստանի նուաճմամբ, երկիրը հռոմէական նահանգ յայտարարելով եւ պահապան զօրքեր տեղադրելով: 117 թ. նրան յաջորդած Հադրիանոսը վերականգնեց Հայաստանի թագաւորութիւնը, յետ քաշեց հռոմէական զօրքերը երկրից եւ կայսրութեան արեւելեան սահմանը կրկին դարձաւ Եփրատ գետը¹⁸: Հանդրիանոսի եւ Անտոնինոս Պիոսի օրօք Հայաստանը խաղաղ զարգացման շրջան ապրեց, որն ընդհատուեց միայն 134-135 թթ. ալանների ներխուժմամբ: Նրանք, աւելելով Ադուանքն ու Ատրպատականը, Հայաստանի վրայով հասան մինչեւ Կապադովկիա¹⁹: 140-ականների սկզբին Անտոնինոս Պիոսն, առանց պարթեւ արքայի հետ համաձայնեցնելու, Հայաստանում նոր թագաւոր կարգեց, ինչը հերթական լարուածութեան պատճառ դարձաւ երկու տերութիւնների միջեւ, բայց իր պատերազմական արտայայտութիւնը գտաւ միայն Անտոնինոս Պիոսի մահից յետոյ: 161 թ. Վաղարշ Դ պարթեւ արքայի զօրքերը մտան Հայաստան եւ թագաւոր կարգուեց Բակուրը: 163 թ., հակայարձակման անցնելով, հռոմէացիները գրաւեցին Արտաշատը, որով, կարճատեւ ընդհատումից յետոյ, Հռոմի ներկայութիւնը Հայաստանում վերականգնուեց: 164 թ. թագաւոր նշանակուեց Սոհեմը: Տրդատ սատրապի ապստամբութիւնը Սոհեմին ստիպեց 166 թ. ապաստան փնտրել Կապադովկիայի հռոմէական կառավարիչ Մարտիոս Վերոսի մօտ, որը, ապստամբութիւնը ճնշելուց եւ Սմբատին ձերբակալելուց յետոյ, Սոհեմին վերահաստատեց Հայաստանի գա-

18 Յ. Մանանդեան, Երկեր, հտ. Բ, էջ 30, 37:
19 Dio LXIX.15, 1-2.

Հին²⁰: Հազիւ թէ կարելի է կասկածել, որ հռոմէական բանակի հետ Հայաստան է մտել հռոմէական դրամների նոր խմբաքանակ, որում որոշակի մաս պէտք է կազմէին պղնձէ պրովինցիալ թողարկումները եւ, առաջին հերթին, գործող կայսրերի դրամները: Գանձում, սակայն, նրանց դրամներից չկան: Ուրեմն, ե՞րբ կարող էին տիրող համար անվերադարձ կերպով թաքցուել այս դրամները: Եթէ դա տեղի է ունեցել դեռեւս Անտոնինոս Պիոսի իշխանութեան տարիներին, մեզ անյայտ պատճառներով, ապա հաւանական կարող է թուալ 163 թ. վերջը, երբ Ստատիոս Պրիսկոսի կողմից պաշարումով վերցուեց Արտաշատը, կամ շուրջ 166 թ., երբ Հայաստանում խոշոր ապստամբութիւն էր ծագել Տրդատի գլխավորութեամբ: Երկու դէպքում էլ քաղաքում պէտք է որ գոյացած լինէր անհանգիստ ու անապահով վիճակ:

Անտոնինոս Պիոսի երկու պղնձէ դրամներից մէկը թողարկուած է հեռաւոր Կորնթոսում, միւսը՝ Սիրիայի Լատրիկէա քաղաքում: Եթէ վերջինիս ներկայութիւնն Արտաշատում զարմանալի է, ապա կորնթոսեան, այն էլ ոչ այնքան տարածուած թողարկման յայտնաբերումն այստեղ բաւական ուշագրաւ է: 162 թ. հայերի եւ պարթեւների դէմ պատերազմի պատրաստուելիս հռոմէացիները Սիրիայում ռազմական ուժեր էին կենտրոնացրել ոչ միայն արեւելեան պրովինցիաներից, այլեւ այստեղ էին տեղափոխել մի քանի լեգէոններ արեւմուտքից՝ մասնաւորապէս Ռէյնի եւ Դանուբի շրջաններից: Դրանց թուում էր V Մակեդոնիկա լեգէոնը, որը Ստատիոս

20 Ռ. Վարդանեան, Լուկիոս Վերոսի օրօք Հայաստանում թողարկուած պղնձէ դրամներ, ՊԲՀ, 2 (2004), էջ 246, որտեղ լրում էն Սոհեմի թագաւորական եւ վերահաստատման հանգամանքների ու թուագրութեան մասին վերոյիշեալ տեսակէտը պաշտպանող աշխատութիւնները:

Պրիսկոսի գլխավորութեամբ²¹ մասնակցեց հայկական արշաւանքին: Սրանով, ամենայն հաւանականութեամբ, կարող ենք բացատրել Յունաստանում թողարկուած պղնձէ դրամի յայտնուելը Արտաշատում, ինչը նաեւ մի լրացուցիչ անուղղակի փաստարկ է գանձի «թաղումը» ոչ աւելի վաղ, քան 163 թ. վերջով թուագրելու համար:

Ընդօրինակութիւնների ծագումը: Եթէ ենթադրենք, թէ ընդօրինակութիւնները պատրաստուել են Արտաշատում, ապա իր այսպիսի արտադրանքի ինչպիսի՞ ընդունելութիւն կարող էր ակնկալել թողարկողը մի քաղաքում, որի բնակիչները լաւ ծանօթ էին իսկական հռոմէական դրամներին, քանի որ Ք.յ. Ա դարում եւ առնուազն Բ-ի առաջին տասնամեակներում թէ՛ կայսերական, թէ՛ պրովինցիալ թողարկումներն այստեղ, դատելով դրամագիտութիւնը, դրամական շրջանառութեան հիմնական միջոցն էին: Սրանք հնարաւոր չէ դիտարկել որպէս դրամանենդի արտադրանք, քանի որ շրջանառուող իսկական դրամների կողքին այդպիսի կոպիտ կեղծիքը չէր կարող ընդունուել որպէս իսկական: Արտաշատում դրամ ընդօրինակելու անհրաժեշտութիւն կարող էր ծագել միայն այնպիսի իրավիճակում, երբ խիստ պակաս էր հռոմէական դրամների ներհոսքը, իսկ դրամ օգտագործելուն սովոր չուկան կարիք ունէր դրամական դանդուածի համալրման: Եթէ այդ դրամները շրջանառուել են Արտաշատում (իսկ մենք դրանց շրջանառութեան բնոյթի մասին դեռեւս բաւարար տեղեկութիւններ չունենք)՝ ապա միայն հարկադրաբար, ինչ-որ արտակարգ իրադրութեան պայմաններում:

Հայաստանի դրամական տնտեսութեանը բնորոշ չեն եղել բարբարոսական

21 N. C. Debevoise, *A Political History of Parthia*, Chicago, 1938, p. 247, note 34.

կոչուող ընդօրինակութիւնները՝ ի տարբերութիւն Կողքիսի, Իբերիայի եւ Աղուանքի, որտեղ դրանց մի շարք օրինակներ կան՝ սկսած Ք.ա. Գ-Ա դդ.: Հարեւանների այդպիսի արտադրանքը երբեմն թափանցել է Հայաստան²², բայց տեղում թողարկուած ընդօրինակութիւններ յայտնի չեն:

Արդեօ՞ք Արտաշատում յայտնաբերուած այս դրամները նոյնպէս բերուած են դրսից: Խնդիրն այն է, որ մեր արեւելեան եւ հիւսիսային հարեւանների մօտ այսպիսի ընդօրինակութիւնների յայտնաբերման մասին տեղեկութիւն, յամենայն դէպս՝ դրամագիտական գրականութեան մէջ, չկայ²³: Սակայն ճիշտ նոյնպիսի SC ընդօրինակութիւնների 6 նմուշ, ինչպիսին այս գանձում է, յայտնի է Սիրիայում հաւաքուած դրամագիտական մի ժողովածոյից: Դրանց յայտնաբերման տեղն անյայտ է, սակայն դատելով անուղղակի տուեալներից, դրամները կարող են գտնուած լինել Հիւսիսային Միջագետ-

քում, հնարաւոր է՝ Մծբինում (Նիսիբիս): Սրանց պահպանուածութիւնը վատն է, մետաղը՝ քայքայուած, ինչի հետեւանքով մաքրելիս տեղ-տեղ առաջացել են անցքեր:

Դիմ.՝ աջ կիսադէմ, պատկերազրական մանրամասներն անորոշ են:

Դարձ.՝ SC, շուրջը՝ պսակի նմանակում:

- ա) 3.74 գր, 25.2 մմ, 12 ժ, S տառը շրջուած՝ Շ C
- բ) 3.92 գր, 24.0 մմ, 10 ժ, S տառը շրջուած՝ Շ C
- գ) 5.76 գր, 26.7 մմ, 12 ժ
- դ) 6.56 գր, 26.1 մմ, 12 ժ, ինչպէս գանձի № 31-38
- ե) 7.89 գր, 25.2 մմ, 12 ժ
- զ) 8.13 գր, 26.5 մմ, 12 ժ

Դ-ի դիմերեսի պատկերը կատարել է նոյն ձեռքը, ինչ որ գանձի № 31-38 դրամներինը՝ գլխի ետեւում ապարօշի ժապաւէնների պատկերման իւրօրինակ եղանակով: Հնարաւոր է, որ այն ձուլուել է գանձի վերոյիշեալ դրամներից որեւէ մէկի հետ նոյն կաղապարում (թուում է, թէ առաւել մօտ է № 32-ին): Ինչպէս գանձում եղած դրամների մէջ, սրանցում եւս կայ երկու օրինակ շրջուած S տառով Շ:

Ո՞ւմ կողմից, ե՞րբ, որտե՞ղ, որքա՞ն ժամանակ եւ ի՞նչ նպատակով կարող էին թողարկուած լինել այս «դրամները»: Այս հարցերի որոշակի պատասխան այսօր չունենք: Կարող ենք առաջարկել միայն վարկածներ: Դրամների վրայ SC տառերից բացի, յունարէն կամ լատիներէն այլ գրութիւններ չկան: Դրամների ձուլման կաղապարները պատրաստուած են քանդակագործական որեւէ կրթութիւն եւ հմտութիւն չունեցող մարդու կամ մարդկանց կողմից: Բացի այդ, նկատելի է, որ առանձնապէս մեծ կարեւորութիւն չի տրուել դիմերեսի դիմապատկերները՝ քիչ թէ շատ մանրամասն ու խնամքով մատուցելու անհրաժեշտութեանը. պատկերներն

22 Օրինակ, Կողքիսում թողարկուած Լիսիմախոսի ոսկէ ստատերի ընդօրինակութիւնը՝ յայտնաբերուած Սիսիանի իշխանական դամբարանում, հելլենիստական դրամների հետ (ՀՊԹ 18644), կամ Ալեքսանդր Մակեդոնացու դրամայի կովկասեան (ալբանական) ընդօրինակութիւնը Արտաշատի 1972 թ. պեղումներից յայտնաբերուած գանձում (ՀՊԹ 19798/37):

23 Արտաշատում յայտնաբերուած դրամների մէջ կայ SC թողարկման եւ մէկ բարբարոսական ընդօրինակութիւն, որը, սակայն, տեխնիկական, պատկերագրական ու ոճական յատկանիշներով տարբերուած է այս գանձի օրինակներից ՀՊԹ 19992/140 (նկ. 6.2): Դրանք հնագիտական պեղումներից չէ եւ չգիտենք, թէ քաղաքի որ մասում է յայտնաբերուած: Ե. Պախոմովը յիշատակում է մի դրամ, որը կարող է պատկանած լինել այս տիպին (E. A. Пахомов, Монетные клады Азербайджана и других республик, красн и областей Кавказа, Вып. 5, Баку, 1949, no. 1402: "Между г. Мичхетой и сел. Схалтба... зимою 1938 г... Г. Мачханели... нашел медную (бронзовую) римскую монету плохой сохранности (I — Голова влево, в диадеме (?), надписи сбита; II — SC в, грубо исполненном рисунке венка, диаметр 27-28 мм, вес 9.95 г). Монета осталась у находчика."

արուած են խիստ ընդհանուր եւ անվարժ շտրիխներով, ունիւնքը ցածր է: Դրամները ձուլուել են կաղապարի մէջ, հաւանաբար՝ կաւէ կաղապարի: Դիմերեսի կամ դարձերեսի այսպիսի պարզունակ պատկերագրութեամբ մի կաղապար կարելի էր պատրաստել ըստ ընթացքում՝ առանց մեծ ջանք գործադրելու: Որոշ դէպքերում դիմերեսի պատկերներն այնքան անփոյթ ու ի միջի այլոց են արուած, որ անգամ դժուար է հասկանալ, թէ ինչ է պատկերուած: Արդէն նշուեց, որ պատճառը, դրամների մաշուածութիւնը է, քանի որ նոյն այդ դրամների դարձերեսները, մեծ մասամբ, աւելի յստակ պատկերներ ունեն:

Վերը բարձրացուած հարցերից մէկին, թէ որքան երկարատեւ է եղել այս թողարկումը, թերեւս կարելի է պատասխանել քիչ թէ շատ որոշակիօրէն: Չնայած դիմերեսի տիպերի բազմազանութեանը, դրամների պատկերագրութեան ու ոճի մէջ փոփոխութիւնների կապակցուած շարք չի նկատուում: Կատարման տեխնիկայի տեսանկիւնից նրանք նոյնպէս միատեսակ են: Այս ամէնը թոյլ է տալիս հաւանական համարել, որ սա միանուագ կամ շատ կարճ ժամանակահատուածում կատարուած ու դադարեցուած թողարկում է: Տարբեր կաղապարների առատութիւնն ու բազմազանութիւնը, տուեալ դէպքում, մեծաքանակ արտադրանքի վկայութիւն է: Կաղապարները, մի քանի անգամ նրանց մէջ դրամներ ձուլելուց յետոյ, արագ շարքից դուրս են եկել եւ դրանք փոխարինուել են նորերով, որոնց պատրաստելը մեծ դժուարութիւն էր ներկայացնում:

Ո՞ր կողմից կարող են թողարկուած լինել այս ընդօրինակութիւնները: Ակնյայտ է, որ սրանք չեն թողարկուել Հայաստանի թագաւորի կողմից, ոչ էլ կապ ունեն հռոմէացիների կամ պարթեւների հետ. որեւէ օրինական իշխանութիւն այսպիսի դրամներ չէր թողարկի, նոյնիսկ՝ ար-


տակարգ իրավիճակներում: Նման թողարկում կարող էր ձեռնարկել կիսաօրինական մի իշխանութիւն, որը, իրեն մատուցուող ինչ-ինչ ծառայութիւնների դիմաց վճարելու համար, չի ունեցել օրինական դրամական միջոցներ կամ դրանք չեն բաւարարուել: Դրամներն անանուն են, թողարկողն իրեն չի ցանկացել բացայայտել կամ գովազդել: Դրամներից մէկի վրայ արամէրէն մեծ տառի առկայութիւնն ակնարկում է թողարկողի՝ արեւելեան քաղաքակրթութեանը պատկանելու մասին, բայց ոչ աւելին: SC տառերն, ըստ երեւոյթի, համարուել են բաւարար երաշխիք, որ այդ թողարկումը ընդունելութիւն կը գտնի ու վստահութեան կ'արժանանայ այն միջավայրում, որի համար նախատեսուած է եղել:



Եթէ այս թողարկումը կարող է առնչուել ինչ-որ պատմական իրադարձութեան հետ, ապա, գանձի «թաղման» *terminus post quem*-ը 163 թ. վերջն ընդունելով, նման ընդօրինակութիւնների ի յայտ գալու համար բարենպաստ կարող էր լինել Հայաստանում բռնկուած ապստամբութիւնը: Տրդատ սատրապի հրահրած ապստամբութիւնն այնքան ուժգին ու համատարած է եղել, որ հռոմէացիների կողմից թագաւոր նշանակուած Սոհեմը ստիպուած էր հեռանալ երկրից եւ ապաստան գտնել Կապադովկիայի լեգատ Մարտիոս Վերոսի մօտ: Ապստամբութեան ժամանակը եւ տեւողութիւնը որոշակիօրէն յայտնի չեն, բայց ենթադրուած է, որ այն պէտք է տեղի ունեցած լինի շուրջ 166 թ.: Մենք ոչինչ չգիտենք դէպքերի ընթացքի մասին, բացի այն, որ Տրդատը «Հայաստանում խռովութիւններ էր բարձրացրել եւ սպանել էր հեռիօքների թագաւորին եւ իր սուրբ թափահարել էր (Մարտիոս) Վերոսի վրայ, երբ վերջինս յանդիմանել էր նրան այդ բաների համար»²⁴: Հնարաւոր է, որ այդ խառ-



24 Dio, LXXII, 14.2.

նակ ժամանակներում, երբ երկրում թագաւոր չէր, իսկ հռոմէացիները չէին տիրապետում իրավիճակին, յայտնուէր մի այս-

պիսի «ինքնագործ» դրամական թողարկում:









1. Դարձերեսի դետալ պղնձե քիթեղիկներով (47)



2

Ք.Յ. 37 թ. ՄԻՋԱԶԳԱՅԻՆ ՊԱՅՄԱՆԱԳԻՐԸ ԵՒ ՀԱՅԱՍՏԱՆԸ

Յակոբ Յարութիւնեան

Ք.ա. I դարի վերջերին Արեւելքում եւ Մեծ Հայքում տեղի ունեցած բուռն իրադարձութիւններից յետոյ, այն է՝ Լուկուլիոսի, Պոմպէոսի, Կրասոսի եւ Անտոնիոսի արշաւանքներից յետոյ, Հաստատուեց յարաբերական անդորր: Կողմերը, կարծես թէ, ուժ էին հաւաքում, վերալիցքաւորւում՝ կրկին իրենց փոխյարաբերութիւնները բացայայտելու համար: Դա պայմանաւորուած էր ոչ միայն Հռոմի կողմից չափից աւելի մեծ ուժեր վատնելով, որը համարեա թէ նրան ոչինչ չտուեց, մասնաւորապէս՝ Հայաստանում իր գերիշխանութիւնն հաստատելու առումով, այլեւ բուն Հռոմի ներսում տեղի ունեցած արմատական փոփոխութիւններով եւ նրա վերականուցմամբ: Եթէ մինչ այդ Հռոմի՝ Արեւելք ներթափանցելու առաջին օրերից՝ Ք.ա. 190 թ. սկսած, նրա ազդեցութիւնն այստեղ աճում էր երկրաչափական պրոզրեսիայով, ապա Միհրդատեան պատերազմների ժամանակահատուածից սկսած հանրապետութիւնը հարկադրուած էր, իհարկէ, իր կամքից եւ ցանկութիւնից անկախ, վարել աւելի հաւասարակշռուած քաղաքականութիւն: Հռոմէացիները հասկացան եւ զգացին, որ արեւելեան ժողովուրդների հանդէպ պէտք է լինել առաւել ճկուն ոչ միայն պատերազմի դաշտում, այլեւ դիւանագիտութեան ասպարէզում: Այս ճեղքուածքներն առաջին անգամ իրենց գոյութեան մասին զգացնել տուեցին դեռ Լուկուլիոսի արշաւանքի օրերին, որը եւ դաս հանդիսացաւ արդէն նրան անմիջապէս յաջորդած Գնէոս Պոմպէոսի համար: Նա արեւելեան հարցերը կարգաւորելիս ցուցաբերեց նուրբ դիւանագիտութիւն, որն առաջին հերթին դրսեւորուեց Հայաս-

տանի եւ Պարթեւստանի հետ յարաբերութիւնները կարգաւորելու ընթացքում: Նա չդիմեց լուկուլիոսեան բիրտ միջոցներին եւ, յատկապէս Տիգրանի հետ միջպետական հարցերը կարգաւորելիս՝ դիմեց նոյնիսկ տարածքային «նուիրատուութիւնների» քաղաքականութեան կենսագործմանը: Նա Տիգրանին տուեց Ճորոխի աւազանի հարաւային շրջանները՝ ցանկանալով ձեռք բերել նրա վստահութիւնը, բայց այս ամէնը երկար չտեւեց: Պոմպէոսին յաջորդած Կրասոսն ու Անտոնիոսը կրկին վերադարձ կատարեցին լուկուլիոսեան հին մեթոդներին, ուստի պայքարը բորբոքուեց նոր ուժով, եւ սա յուշում էր, որ Հռոմը ապրում է ոչ միայն արտաքին, այլեւ ներքին գաղափարական ճգնաժամ: Անյայտ է, թէ ինչով կը վերջանար այս ամէնը, եթէ Հռոմում տեղի չունենար պետական յեղաշրջում, եւ իշխանութեան դեկին չյայտնուէր այնպիսի մի նշանաւոր պետական գործիչ, ինչպիսին Օկտաւիանոս-Օգոստոսն էր (Ք.ա. 27 - Ք.յ. 14 թթ.):

Նորաստեղծ Հռոմէական կայսրութեան հիմնադիր Օգոստոսը երկրի արտաքին քաղաքականութեան հիմնական սկզբունք հռչակեց *pax Roman-*ան, որի ամենակարեւոր տարրերից էր հանդիսանում՝ յարաբերութիւնների կարգաւորումը արեւելեան երկրների եւ պետութիւնների հետ:¹ Օգոստոս կայսեր որդեգրած քաղա-

1 Այս կապակցութեամբ աւելի մանրամասն տե՛ս Н. А. Машкин, *Пришествие Августа*, М. Л. 1949, passim; М. И. Ростовцев, *Рождение Римской империи*, М. 2003, էջ 9-29, 115-133; А. Б. Егоров, *Рим на грани эпох*, Л. 1985, էջ 25-37, 88-102; Дж. Бейкер, *Август. Первый император Рима*, М. 2003, էջ 273-297. Լ. Ստորեան, *Քաղաքական վերաբերութիւններ ընդ մէջ Հա-*